

瘍醫曲大全



瘍醫大全目錄

卷四十

奇病部

奇病門治法

附寒門秘法



瘍醫大全卷四十

廣東省城雙門底玉山樓藏

蕪湖顧世澄練江氏纂輯

奇病部

古今奇病附寒門秘法俱彙於此部中以便檢閱

治

男 增錢之柏東陽
楓燮用和



奇病法

顧氏秘書

中國醫藥大學圖書館藏

奇病門治法

張仲景曰生蛇腹中以身上辨之身必乾涸如紫
有鱗甲者蛇毒也最易辨惟白芷一味為用每
米湯送下五錢即全愈

人有腹中生蛇者乃毒氣化成也或感山嵐水瘴之
氣或感四時不正之氣或感尸氣病氣而成也方
名誅毒丹用雄黃一兩生甘草二兩白芷五錢
午日修合為未粽子米和丸桐子大飯前食之食
後必作痛用力忍之切勿飲水一飲水則不效矣



南京中醫藥大學圖書館藏

華真君曰人手上皮上現蛇形一條痛不可忍此
蛇乘人之睡而作交感於人身乃生此怪病服湯
藥不效以刀刺之出血如墨汁外用白芷爲末搽
之少愈明日又刺血如前又以白芷末搽之二次
化去其形先刺頭後刺尾不宜亂刺也

人有胃腕不時作痛過饑更甚尤畏大寒日日作痛
予以大蒜三兩搗汁灌之忽吐蛇一條長三尺而
愈蓋蛇最畏蒜氣此一奇症也

人有背上忽然痛疼裂開一縫攔出蛇一條長二尺

者頗善跳躍仲景先生親手治之而驗其症必先
背脊疼甚而又無腫塊久則腫矣長有一尺許
條直似立在脊上乃用刀輕輕破其皮而蛇忽跳
出其人驚絕用人參一兩附子一錢半夏兩尾
各三錢治之忽甦生肌散敷其患處而愈予憫其
故而背忽痛即彼人云我至一廟見塑一女娘甚
覺美麗非常偶興雲雨之思頓起脊背之痛今三
月以來痛不可忍若有蛇鑽毒刺光景予心疑似
生淫物見其人又健旺故用刺開皮肉不意蛇出

而人竟死也予隨用三生飲救之而愈可立驗
以見病之奇而神聖之不可貌玩也

人有腹中忽長出二寸似蛇尾狀而又非蛇不痛不

是此乃祟症也然亦因任帶之脉痰氣壅滯遂結

成此異病也人世之間忽生此病必有難喻之灾

益人身而現龜蛇之象其家必然敗落而時運亦

未必興隆也法當用礪砂冰片麝香各一分兒茶

二錢白芷雄黃各一錢研細末將其尾刺出血必

然昏暈欲死急以藥點之立刻化爲黑水急用白



一 三錢煎服自愈倘不愈則聽之不可再治蓋妖
非藥能去非前世之冤家卽今生之妖孽也
人身忽長鱗甲於腹間脇上此症婦女居多而男子

亦間生焉蓋孽龍多化人與婦人交卽成此症而

男子與龍合亦間生鱗甲也此病速治爲妙少遲

則人必變爲龍矣今傳一方用雷丸大黃白礬鐵

衣雄黃各三錢研細棗肉爲丸凡得此病用酒送

下三錢立時便下如人精者一碗胸中便覺開爽

再服三錢則鱗甲盡落矣此方之妙妙在無毒不

散而龍又最惡雄黃故相濟而成功又何疑哉
各藥又皆去毒去水之品此方之最神最奇者也
如人先遍體發癢以錐刺之少已再癢以刀割之快
甚少頃又癢甚以刀割之覺疼必流血不已再癢
以石灰止之則血止而癢作又以刀割之又流血
又以石灰止之止之又癢勢必割至體無完膚而
後止此乃冤鬼索命之報也無法可救耳岐天師
憫恤世人不知作惡誤犯者亦有之特定救割全
生湯救之方用人參一兩當歸三兩荆芥三錢水

煎服貧人無力買參以黃芪二兩代之服三劑必
效而癢止痛亦平但須對 天盟誓萬勿作犯
之事有寃讐者爲之懺經禮佛庶幾不再發
發之再不能有法救矣

人有生鳥鵲於頭上臂上外有皮一層包之或如癰
狀或不如癰而皮膚高起一塊者內作鳥鵲之聲
逢天明則啼逢陰雨則叫逢饑寒則痛疼百藥不
效此乃不敬 神聖而戲弄之也必須用刀割破
其皮則鳥鵲難以藏形乃破孔而出宛似鳥鵲性



無羽毛耳鳥鵲出孔之後以生肌散敷之外用

膏

方載癰疽門

三日後依然生合此病

岐天師見之

數次

扁鵲之治

華陀之醫皆

岐天師之教

人有心窩外忽然生瘡如碗大變成數口能作人聲

叫喊此乃憂鬱不舒而祟憑之也方用金銀花生

甘草各三兩人參五錢茯神白礬各三錢水煎服

即安靜不鳴矣再用二劑即愈蓋甘草消毒人參

存神以安其心白礬以止其鳴金銀花以解其火

熱故易於奏功也

如人無故見鬼如三頭六臂者或如金甲神或如斷
手無頭死鬼或黑或白或青或紅之狀皆奇病也
然此皆心虛而祟憑之用石室秘丹主之方用白
朮蒼朮各三兩半夏大戟山茨菇各一兩天南星
三錢附子一錢共爲細末加麝香一錢做成餅子
如玉樞丹一樣此方更妙於紫金錠凡遇前病用
一餅薑湯化開服之必吐頑痰碗許自愈

人腰間忽長一條肉痕如帶圍至臍間不痛不癢久
之飲食少進氣血枯槁此乃腎經與帶脉不和又

過於房事盡情縱送乃生此疾久之帶脉氣衰
亦漸耗顏色黯然雖無大病而病實篤也法當大
補腎水而兼補帶脉自然身壯而形消方用滅痕
丹熟地山萸肉各一觔杜仲山藥各半觔白朮一
觔白芍六兩白朮肉炒破故紙當歸車前子各三
兩共爲末蜜丸每日早晚各服一兩十日後覺腰
輕再服十日其肉淺淡再服全消不須兩料也然
必須忌房事三月否則無效此方乃純補腎經而
少兼任帶脉也任帶之病而用任帶之藥何愁不

建功哉

人腹中忽有應聲蟲有用殺蟲祛痰熱藥寒藥治之俱不應然則終何以治之哉古人有將本草讀之而蟲不應聲者用之卽愈今岐天師別有一神奇法治之省閱本草之勞神用生甘草一味入臼礬各等分不須二錢飲下卽愈蓋應聲蟲非蟲也乃臟中毒氣有祟以憑之也用甘草以消毒用白礬以消痰况二物一仁一勇又以智用之智仁勇三者俱全祟不覺低首而却走矣

凡山魃木客狐狸虫蛇作祟憑身者用生桐油搽
下身不便處最妙或以木人褲子包頭則妖自去
笑而去永不復犯蓋妖原欲盜人之精氣然最喜
清潔見人汚物包頭則其人之不潔可知故棄之
而去亦因其好潔而亂之也不成器之物而睡夢
中來壓人者亦以此法治之

腹中生蠶乃飲食饑飽之時過於多食一時不能消
化乃生蠶甲之虫似蠶而非蠶也亦用誅毒丹以
馬屎一碗童便半合飲之即消雄黃乃殺蛇之藥

白芷乃爛蛇之品甘草乃去毒之劑而馬尿乃化
驚之聖藥也故用之隨手而效耳此則奇病而用
奇藥也

如有腹中高大宛似坐胎形容憔悴面目瘦黃骨乾
毛枯此乃鬼胎也方用紅花半觔大黃五錢雷丸
三錢水煎服傾盆瀉出血塊如雞肝者數百片而
愈後乃用六君子湯調治之自然復原此等之病
乃婦人淫心忽起有物以憑之纔生此症無論室
女出嫁之人生此病者邪之所湊其氣必虛況又



起淫心有不邪以親邪者乎方中妙在用紅花
君又用至半觔則血行難止有躍躍自動之貌
加以大黃走而不守之味則雷丸蕩邪之物自然
功成之速也

如有頭角生瘡當日卽頭重如山第二日卽變青紫
第三日青至身上卽死此乃毒氣攻心而死也此
病多得之好吞春藥蓋春藥之類不過一丸食之
卽強陽善戰非用大熱之藥何能致此世間大熱
之藥無不過陽起石附子二味俱有大毒且陽起